

Broj: 04-02/2-1846/25 i 1847/25 M.T.
Sarajevo, 18.08.2025. godine

BOSNA I HERCEGOVINA
FEDERACIJA BOSNE I HERCEGOVINE
Parlament Federacije BiH
Predstavnički dom
n/r Dragan Mioković, predsjedavajući
n/r Dennis Gratz, poslanik

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 19-08-2025			
Org. jed.	Broj	Priloga	Vrijednost
05/1	-02-	365	25

Predmet: Odgovor na poslanička pitanja, **dostavlja se**

Veza: Vaš akt broj: 05/1-02-365/25 od 24.07.2025. godine i 05/1-02-367/25 od 24.07.2025. godine

Poštovani,

Vašim aktima broj i datum veze, Federalnom ministarstvu rada i socijalne politike, putem Vlade Federacije BiH, radi odgovora u skladu sa nadležnostima, dostavljena su poslanička pitanja koja je na 23. redovnoj sjednici Predstavničkog doma Parlamenta Federacije BiH, održanoj 23.07.2025. godine, postavio poslanik Dennis Gratz, a koja glase:

„U kojoj je fazi izrada prijedloga kojim bi se visina penzija uskladila s rastom plata i troškova života? S obzirom na recentno zaduženje emisijom obveznica na Sarajevskoj berzi u iznosu od oko 50 miliona KM, kombinovanu vrijednost ovogodišnjih zaduženja od ca.635 miliona KM, te prošlogodišnja zaduženja od ukupno 900 milona KM, koja sredstva, u kojoj visini i s kojim planom utroška su predviđena za povećanje penzija penzionerima Federacije BiH? Da li su nadležna ministarstva tj. Vlada Federacije BiH poduzela konkretne korake kako bi se i majke u Federaciji BiH izjednačile u svojim pravima sa pravima majki u entitetu Republika Srpska, ali i šire u regiji?

S tim u vezi, a u dijelu koji se odnosi na nadležnost Federalnog ministarstva rada i socijalne politike, podsjećamo Vas da je aktom sekretara Vlade Federacije BiH broj: 03-04-1129/25 od 13.06.2025. godine, Federalnom ministarstvu rada i socijalne politike dostavljena Inicijativa za izmjene i dopune člana 79. Zakona o penzijskom i invalidskom osiguranju, koju je podnio Klub poslanika NIP-SPU-Pomak u Predstavničkom domu Parlamenta Federacije BiH. Predmetna inicijativa je prihvaćena od strane Vlade Federacije BiH, te je zaključeno da se podržavaju mjere koje imaju za cilj svaki oblik pomoći penzionerima uključujući i izmjenu formule za usklađivanje penzija, a koju je podnio Klub poslanika NIP-SPU-Pomak u Predstavničkom domu Parlamenta Federacije BiH.

Također, na 23. redovnoj sjednici Predstavničkog doma Parlamenta Federacije BiH, održanoj 23.07.2025. godine, razmatrana Informacija o stanju u penzijskom sistemu Federacije BiH sa prijedlozima unapređenja stanja, te Informacija Federalnog zavoda za penzijsko i invalidsko osiguranje. Odbor za ekonomsku i finansijsku politiku Predstavničkog doma Parlamenta Federacije BiH je Zaključkom zatražio od Vlade Federacije BiH, odnosno resornog ministarstva da u roku od 30 dana, između ostalog,

uradi izmjenu formule usklađivanja penzija u Federaciji BiH na način da se uvede prosječna plata kao glavni indikator za usklađivanje penzija u Federaciji BiH, umjesto dosadašnjeg bruto domaćeg proizvoda.

Ističemo da je izrada Prijedloga zakona o izmjenama i dopunama Zakona o penzijskom i invalidskom osiguranju („Službene novine Federacije BiH“, br. 13/18, 90/21, 19/22, 47/24 i 19/25), kojim je između ostalog predviđeno usklađivanje penzija sa rastom plata i potrošačkim cijenama u završnoj fazi, te se očekuje njegovo upućivanje Vladi Federacije BiH, a nakon toga i u parlamentarnu proceduru.

Što se tiče pitanja koji se odnosi na izjednačavanje prava majki u Federaciji BiH sa pravima onih iz entiteta Republika Srpska, kada je riječ o uvjetima za ostvarivanje prava na penziju ističemo da će navedeno pitanje biti predmet razmatranja u okviru budućih reformskih procesa penzijskog sistema u Federaciji BiH.

S poštovanjem,



CO: Vlada Federacije BiH

n/r dr.sci. Edita Kalajdžić, sekretar

Veza: akt broj: 03-04-1366-12/2025 i 03-04-1366-13/2025 od 28.07.2025. godine